

漢書門	
一	二
三	四
五	六
七	八
九	十
類	號
函	架
冊	四

內閣文庫	
漢書	類
三	四
五	六
七	八
九	十
類	號
函	冊
架	七

內閣文庫	
番號	漢 12463
冊數	44 (26)
函號	301 90



大學東
校典藉
局之印

婦人科

赤水玄珠

小引

生又子曰舉全集而今以赤水玄珠矣又

分婦人科為五卷而引之於首者何蓋術

有專士而諸有馱至茲五卷中婦人之症

已備而方已陳以婦人科為專門者馱率

五卷而精研其奧則臨症投劑一舉手而

玄珠錯陳矣不亦至易至簡乎故曰婦人
科赤水業女科者諗之

赤水玄珠婦人門第二十五卷目錄
薛氏校註合宜禁忌九例
調經門
居經
崩
治赤白帶下
熱入血室
寡婦師尼寒熱如瘧
夢與鬼交
心胸嘈雜

赤水玄珠婦人門第二十五卷目錄

薛氏校註合宜禁忌九例

調經門

經水或紫或黑論

居經

月經不通

崩

治赤白帶下

熱入血室

寡婦師尼寒熱如瘧

夢與鬼交

心胸嘈雜

赤水玄珠

第二十五卷目錄

二

赤白帶下 二十五日金
痲癖疝癥

脬轉小便不利

小便數

遺尿失禁

赤白帶下 二十五日金
赤白交雜入門 卷二十五 終

終

赤水玄珠婦人門第二十五卷

新安生生子孫一奎著輯

薛氏校註合宜禁忌凡例

一云丹溪謂白芍藥性寒味酸產後宜忌恐伐生

生之氣若用之于大補湯八珍等湯內以酒拌

炒用無妨凡屬脾胃虛寒虛弱面色痿黃者俱

宜酒拌炒用

一通經丸若脾胃無虧暴怒氣逆或生冷所傷陰

血凝滯月經不通者宜暫用之若脾胃虛弱不

能生血者宜用六君當歸若因脾胃鬱火內耗其血者宜用歸脾湯若因脾肝鬱怒氣血傷而月經不通者宜加味道遙散

一艾附丸若脾胃虛寒陰血不足氣逆發熱月經不調或胎氣不成者宜暫用之若肝腎虧損陰虛發熱月經不調或崩漏帶下或便血吐衄小便淋瀝或晡熱內熱寒熱往來或盜汗自汗不時條熱宜用六味地黃丸若兼脾氣不足飲食必思者佐以六君子湯

一四物湯若脾經血燥發熱或月經不調宜暫用之若因脾經虛熱肝經怒火所致宜四君子佐加味道遙散若因脾經氣虛血弱晡熱內熱宜用八珍湯加柴胡丹皮若因元氣下陷而致諸症宜補中益氣湯

一人參橘皮湯若胎前氣痞痰滯作嘔不食者宜暫用之若脾胃氣虛胸膈痞脹痰停作嘔飲食少思者宜半夏茯苓湯若因怒動肝火尅制脾土而致前症者宜六君子加柴胡山梔枳殼脾

胃虛寒者六君子加木香砂仁內半夏治脾胃
虛諸症尤常用

一紫蘇順氣飲若胎動不安元氣無虧者宜暫用
之若因脾氣虛弱者宜六君子加紫蘇枳殼鬱
結傷脾者宜四君子加紫胡山梔蘓梗鬱怒傷
肝脾者六君子加紫胡黃芩枳殼

一四物膠艾湯若內熱胎痛下血不止者宜暫用
之若因肝經風熱而下血者用防風子芩丸若
因肝火血熱宜加味逍遙散若脾經鬱火宜加

味歸脾湯若因肝氣虛陷宜補中益氣湯倍加
升麻柴胡若因事下血者宜八珍湯加膠艾

一黃芩白朮二味為安胎之藥若脾胃蘊熱中氣
無虧者宜暫用之凡屬脾胃虛痞飲食少思或
泄瀉嘔吐面色痿黃肢躄倦怠者宜六君子湯
一蓮生散若厚味安逸者宜用若芻蕘勞役者不
宜用

一妊娠腹痛須驗其面赤舌青者此胎已死用平
胃散加朴硝三錢下之正後隨用八珍大補等

湯調補之若唇口俱青吐出血沫者子母俱死也若面舌俱青者母死子活產下亦死

一 小續命湯若外中風邪腰背反傷筋脉痠疼者宜暫用之若產後失血過多陽火熾盛虛熱生風者宜八珍湯加鈞藤丹皮如不應當用四君子湯加當歸丹皮鈞藤若陽氣脫陷者宜補中益氣湯如不應急加附子氣虛血敗者宜用十全大補湯如不應急加附子亦有生者

一 澤蘭湯若產後惡露腹痛胸滿少氣宜用之若

體倦面黃食少少寐而惡露不止宜加味歸脾湯若氣血虛損而惡露上攻先用失笑散後用八珍湯禁用黑神散奪命丹之類

一 產後口鼻起黑氣鼻衄者是胃氣虛敗而血滯也急用一味參藕飲多有生者

一 宮人孀婦治驗

一 婦人年三十有七早孀居兩腿骨作痛晡熱體倦月經不調或發寒熱數年矣一日頸項兩側結核兩脇脹痛此係肝經鬱火而成也先用小

赤水玄珠 八十五卷

柴胡湯合四物數劑肝症頓愈又用加味道遙散加澤蘭乳香沒藥三十劑血症漸痊再用加味歸脾湯年餘而安

一孀婦兩腿作痛或用除濕化痰等藥遍身作痛而無定處此血症也不信乃服流氣飲之類而歿

一放出宮人年四十餘臀腿內股作痛晡熱口乾月經不調此係肝經血少不能養經絡而然也宜加味道遙散加澤蘭葉五十帖諸症稍緩又

以歸脾湯二百餘劑而痊

一放出宮人臀腿腫痛內熱晡熱惡寒體倦咳嗽胸痞月經過期而少彼以為氣毒流注服清熱理氣之劑益甚此肝經瘀血停留所致蓋肝經上貫高布脇肋循喉嚨下循膈內臟統陰器抵少腹主治之法但當補其所不勝而制其所勝補者脾也制者肝也經曰虛即補之實則瀉之此定法也彼不信仍服前藥遂致不起

婦人症與男子無以異也所異者月水胎產崩帶

等症耳今惟蒐其異與赤紫者集為一門餘雜
症治同男子當於雜症門中求之茲不重錄

調經門

岐伯曰女子七歲腎氣盛齒更髮長二七而天癸
至任脈通太衝脈盛月事以時下天謂天真之
氣癸謂壬癸之水故云天癸也然衝為血海任
主胞胎二脈流通經血漸盈應時而下常以三
旬一見以像月盈則虧也若遇經行最宜謹慎
否則與產後症相類若經行惱怒勞役則氣血

錯亂經脈不行多致癆瘵等疾若逆於頭面肢
體之間則重痛不寧若怒氣傷肝則頭暈脇痛
嘔血而癩癧癘瘍若經血內滲則竅穴淋漓無
已然此六淫外侵而變症百出犯時微若秋毫
成患重如山岳可不畏哉

褚澄遺書曰飲食五味養骨髓肌肉毛髮男子為
陽之中必有陰中之數八故一八而陽精升
二八而陽精溢女子為陰之中必有陽中之
數七故一七而陰血升二七而陰血溢皆飲食

五味之實透也方其升也智慮開明齒牙更始
髮黃者黑筋弱者強暨其溢也凡充身躰手足
耳目之餘雖針芥之歷無有不下凡子形肖父
母者以其精血嘗於父母之身無所不歷也是
以父一肢廢則子一肢不肖其父母一自虧則
子一目不肖其父母然雌鳥牝獸無天癸而成
胎何也鳥獸精血往來尾間也精未通而御女
以通其精則五體有不滿之處異日有難狀之
疾陰已痿而思色以降其精則精不出而內敗

小便澁而為淋精已耗而復竭之則大小便痛
痛愈痛即愈便愈便即愈痛女人天癸既至十
年無男子合則不調未踰十年思男子合而不
調不調則舊血不出新血悞行或潰而入骨或
變而為腫後雖合而難子合多則滯枯虛人產
衆則血枯殺入觀其精血思過半矣

夫血者水穀之精氣也和調五臟洒陳六府男子
化而為精女人上為乳汁下為經水故雖心主
血肝藏血亦皆統攝於脾補脾和胃血自生矣

凡經行之際禁用苦寒辛散之藥飲食亦然
 王子亨方論曰經者常候也謂候其一身之陰陽
 愆伏知其安危故每月一至於太過不及皆為不
 調陽太過則先期而至陰不及則後時而來其
 有乍多乍少斷絕不行崩漏不止皆由陰陽衰
 盛所致故曰血氣和平則樂有子和則陰陽不
 爭月水以時下也

薛氏曰經云脾統血肝藏血婦人多因悲怒傷肝
 鬱結傷脾所致當從二經為主而參以前論治

乏

產寶方序論曰大率治病先論其所至男子調其
 氣女人調其血氣血者人之神也然婦人以血
 為基本苟能謹于調護則血氣宣行其神自清
 月水為期血凝成孕若脾胃虛弱不能飲食榮
 衛不足月經不行肌膚黃燥面無光澤寒熱腹
 痛難於子息或帶下崩漏血不流行則成痼症
 經水或紫或黑論

丹溪曰經水者陰血也陰必從陽故其色赤稟

色也血為氣之配氣熱即熱氣寒即寒氣升則
 升氣降即降氣凝則凝氣滯則滯氣清則清氣
 濁即濁往往見有成塊者氣之凝也將行而痛
 者氣之滯也來後作痛者氣血俱虛也色淡者
 亦虛也而有水濕之也錯經妄行者氣之亂也
 紫者氣之熱也黑者熱之甚也令人但見其紫
 者黑者作痛者成塊者率指為風冷而行濕熱
 之劑則禍不旋踵矣良由病原論月水諸病皆
 曰風冷乘之宜其相習而成俗也或曰黑北方

水色也紫淡於黑非冷而何予曰經云元則害
 承乃制熱甚者必兼水化所以熱則紫甚則黑
 也况婦人性執而見鄙嗜慾加倍臟腑取陽之
 火無日不起非熱而何若曰風冷必須外得設
 或有之蓋千百下二者也

治經水紫黑為熱例

海藏四物芩連湯治經水如黑豆汁

四物湯四黃芩黃連各一為末醋糊為丸
 服

丹溪治月水黑口渴倦怠脉不勻似數

黃栢炒黃芩各三錢甘草二錢赤芍藥香附各半

右醋糊丸白湯下五六十九

一婦人二十歲月水二月不行忽行小腹痛有塊血

紫色五白芍白朮陳皮各半黃芩川芎

木通各二錢甘草五分右水煎服

一婦人氣滯血澁脉不瀉經不調或前或後紫色兩

大腿外腫麻木或時痒而生瘡大便秘滯

火麻仁桃仁芍藥各二枳殼葳靈仙

白朮歸頭訶子肉各五錢生地陳皮各五錢

大黃根七錢為末粥丸梧子大白湯下五六十九

調經之劑

局方四物湯治衝任虛損月水不調臍腹疔痛

當歸川芎白芍藥熟地黄各等分水煎服

逍遙散治血虛煩熱月水不調臍腹脹痛潮熱

咳嗽炙甘草五分當歸茯苓白芍白朮

柴胡各一錢右加薄荷葉生薑水煎服

膠艾湯治勞傷血氣衝任虛損月水過多淋瀝

不斷 阿膠炒 川芎 炙甘草各五分 當歸

艾葉炒各一錢 熟地 白芍各二錢 水煎服

溫經湯 婦人血海虛寒月水不利逆臍疼痛

桂枝桃仁湯萬病丸皆可用 當歸 川芎 芍藥 桂心

丹皮 莪木各五分 人參 甘草 牛膝各一錢

水煎服

丹溪加味四物湯調經例

經候過而作痛血氣俱虛也宜本方對四君子將來而痛者血實也本方加菴仁黃連香附

經水不及期者血熱也本方加黃連

過期者血少也本方加參朮有痰加半夏陳皮

過期紫黑有塊者血熱也必作痛加香附黃連

過期而淡色者痰多也芎歸二味入一陳湯

紫色成塊者熱也本方加黃連柴胡

肥人不及日數而多痰者乃血虛有熱本方加

香附南星半夏黃連白朮

瘦人血枯經閉者本方加菴仁紅花或越鞠丸

四物加減調經例

經水微少漸不通手足煩痛肌漸瘦生潮熱
脈微數本方去川芎地黃加澤蘭葉三倍甘草
半分

經水過多本方去熟地加生地
經行身熱脈數頭昏本方加黃芩柴胡各半兩
經行微少或脹或疼四肢疼痛加玄胡沒藥
經候不調心腹疼痛只用芎歸二味名君臣散
元戎加味四物湯
氣充經脈故月事頻併臍下多痛本方加芍藥

經欲行臍腹絞痛本方加玄胡檳榔苦練木香
經水過多本方加黃芩白朮
經水溢少本方加蔡花紅花
經水適來適斷或往來寒熱宜先服小柴胡去
寒熱後以四物湯和之
簡易當歸散 經候不勻或三四月不行或一月
再至或天癸已過期經脈不調 川歸 白芍
川芎 黃芩 白朮 各半 山茱萸肉 一兩
右為末每服空心溫酒調二錢日三服

示水

示水

示水

寶鑑生地黄丸 治婦人血實厥陰脉絃而長惡風體倦尔寒尔熱面赤心忪或時自汗如傷寒狀宜服抑陽藥

生地二兩 柴胡 秦艽 黄芩各半兩 芍藥一兩 右

為末蜜丸梧子大烏豆湯吞三四十九日三服

薑黄散 治血臟久冷月水不調臍腹刺痛

當歸 丹皮 玄胡各二兩 芍藥三兩 川芎 紅花

桂心 莪朮各一兩 川姜黄四兩

右為末每服一錢酒米同煎服

理氣之劑

澹寮煮附丸 經候不調血氣刺痛腹脇膨脹頭

暈惡心崩漏帶下並宜服之

香附子擦去毛米醋浸一日微土炒乾

右醋糊為丸梧子大每服五十丸淡醋湯下

艾附丸 治同前

艾葉四兩 川歸二兩 香附子一斤 照上製為丸服亦同

嚴氏抑氣散 婦人氣盛於血變生諸症頭暈腦

滿 香附四兩 茯神 炙甘草各一兩 陳皮二兩

右為末每食遠沸湯調下二錢

正氣天香散 治婦人一切氣氣上奏心心胸攻

築脇肋刺痛月水不調 台烏藥二錢香附八錢

陳皮 蘓葉各一錢乾薑半錢右分二帖水煎服

丹溪治一婦年四十八因有白帶口渴月經多初

血黑色後來血淡倦怠食少臍上急

白木一錢半紅花豆許陳皮一錢木通 黃芩各五分

縮砂 炙甘草各三分枳殼五分白芍一錢水煎吞保

和丸三十九柳青丸二十九

經水過多 黃芩炒芍藥炒黃柏炒

龜板炙香附半錢椿根白皮七錢酒糊為丸

白湯吞五六十丸

一婦脉絃而大不數形肥初夏倦怠月經來時多

此稟受弱氣不足以攝血故行多也 黃芪

陳皮各一錢白朮半錢人參五分炙甘草三分水煎服

四物加熟地當歸湯 治經水少而色和

四物湯兩熟地各一兩當歸各一兩

丹溪抑氣丸 臨經之時腹痛以四物湯加枳殼

索陳皮丹皮甘草痛甚以豆淋酒下痛輕

以童便香附入條芩為丸

又一婦年四十月水不調行時腹痛行後又有三

四淋瀝皆穢水口渴面黃倦怠無力白朮

歸身尾錢六陳皮錢七黃連錢三木通 黃芪 黃芩

錢二炙甘草錢一分分帖水煎吞五靈丸四十粒

桂枝錢二薤仁湯 經前腹痛不可忍 桂枝 芍藥

生地錢各二 薤仁枚四 甘草錢一 薑三片棗一枚水煎

服服又 當歸當歸 玄胡索每服三錢薑二片

本事方 治婦人月經壅滯每發心腹臍疔痛不

可忍及治產後惡露不快血上搶心迷悶不省

人事氣絕欲死者琥珀散 京三稜 蓬莪木

赤芍藥 劉寄奴 牡丹皮 熟地黄 官桂

真蒲黃 菊花 當歸各一 右前五味用烏豆

一升生薑半斤切片米醋四升同煮豆爛為度

焙乾入後五味同為末每服二錢溫酒調下空

心食前服一方不用菊花蒲黃用烏藥玄胡索

亦佳○予家之秘方也若是尋常血氣痛只一

服產後血衝心二服便下常服尤佳予前後救
人急功不少此藥亦宜多合以救人

交加散 治營衛不和月經湛濁逐散惡血腹痛

經血諸疾並皆治之 生薑 一斤 二 味製

白芍藥 當歸 桂心 各一斤 一 紅花 炒無惡

另研各 蒲黃 陽帛 玄胡索 醋帛包用布擦 沒藥

右將地黃汁炒生薑滓薑汁炒地黃渣各焙乾

用諸藥為細末每服三錢温酒調下 若月經

不依常蘓木煎酒調下 若腰痛砂糖酒調下

交加地黃丸 治婦人經不調血塊氣痞肚腹疼

痛 生地 老薑 各一斤 一 玄胡 當歸 川芎

芍藥 各二 明沒藥 木香 各一斤 一 菝仁 去皮 人參

各兩 香附 斤半 右為末先以薑汁浸地黃渣地黃

汁浸生薑渣晒乾皆以汁盡為度共十一味作

一處晒乾研為末醋糊為丸空心以薑湯下

一婦患經血紫黑一月二次行不思食口苦時發

熱 麥冬 歸身 白芍 陳皮 白米 各二

人參 地黃 茯苓 各半 木通 錢三 生甘草 一

錢

右分十帖食前熱飲下抑青與點各十五丸

益母草膏益母草末結子時採來搗汁熬膏每用半杯和酒或薑汁調服大治汚血及月經不調

肥人不及期而多痰者血虛有熱南星白朮蒼朮

黃連香附川芎作丸服

婦人血脈不調往來寒熱狀如勞倦川芎

川芎甘草黃芪官桂各一兩熟地一兩白朮

白芍各二錢柴胡各半兩阿膠各半兩右每服五錢棗

枚水煎空心溫服為末白湯調下亦得常服則

無帶下極調血脈養子宮終身無病

薛氏曰有脾經血燥而經先期者加味道遙散○

脾經鬱火先期者歸脾湯○肝經怒火而先至

者加味小柴胡湯○血分有熱而先至者加味

四物湯○勞役火動補中益氣湯○有脾經血

虛而後至者人參養榮湯○肝經血少而後至

者六味地黃丸○氣虛血弱者八珍湯蓋血生

于脾土故云脾統血凡血病當用苦甘

助陽氣而生陰血也

經行臍腹痛甚以菴仁桂枝湯一劑而瘥

經行腹先痛用局方七氣湯送來復丹局方積氣

丸瘕癥瘕諸氣亦効

丹參丸

調經養血

金陵一家專製此與四製杜仲九兩京甚重此二藥

丹參

淨四兩酒浸一宿日晒乾

大川芎

一兩川歸身酒浸二兩

天台烏藥

香附三兩童便浸炒七次只用淨末一兩

右為末煉蜜為丸梧子大每空心酒吞七十九

外經水當止不止

婦人四十九歲已後天癸當住每月却行或過多

不止乃血熱也宜芩心丸

黃芩心枝條二兩

米泔浸七日炙乾又浸又炙如此七次為末醋

丸梧子大每服七十九空心温酒送下日三

良方曰婦人月水不斷淋瀝腹痛或因勞損氣血

而傷衝任或因經行而合陰陽以致外邪客

胞內滯於血海故也但調養元氣病邪自愈若

攻其邪則元氣反傷矣

薛氏曰前症若是鬱結傷脾用歸脾湯恚怒傷肝

逍遥散肝火妄動加味四物湯脾氣虛羸

子湯元氣下陷補中益氣湯熱傷元氣加麥冬

五味黃柏黑炒

許學士云經脈過期不及腰腹疼痛或七七數

而月經仍下者宜用簡易當歸散治之方見調經氣虛

者去黃芩加桂心一兩

黃芩湯 治經血不止 方出崩

居經

婦人月水當三旬一名見今三月始一至一名白居經

脉經曰少陰脉微而遲微則無精遲則陰中寒

瀦即血不來此為居經三月一名來

脉經曰婦人年已五十一且而清血二三日不止

何以治之師曰此婦人前絕生經水不下今反

清血此為居經不須治當自止經水下常五日

止者五日愈

月經不通 出婦人良方

婦人月水不通或因醉飽入房或因勞後過度或

因吐血失血傷損肝脾但滋其化源其經自通

若小便不利若頭眩痛腰背作痛足寒時痛久
而血結于內變為癥瘕若血水相併脾胃虛弱
壅滯不通變為水腫若脾氣衰弱不能制水水
漬肌肉變為腫滿當益其津液大補脾胃交
保生

東垣曰經閉不行有三婦人脾胃久虛形體羸弱
氣血俱衰而致經水斷絕不行或病中消胃熱
善食漸瘦津液不生夫經者血脈津液所化津
液既絕為熱所燥肌肉漸瘦時見渴燥血海枯

竭病名曰血枯經絕宜瀉胃之燥熱補益氣血
經自行矣此症或經適行而有子子亦不安為
胎病者有矣
或心包脈洪數躁作時見大便秘澀小便雖清
不利而經水閉絕不行乃血海乾枯宜調血脈
除包絡中火邪而經自行矣
或因勞心心火上行人月事不來者胞脈閉也包
脈者屬心而絡于包中今氣上迫肺心氣不得
下通故月事不來宜安心補血瀉火經自行矣

素古曰女子月事不來者先瀉心火血自下也內
經曰二陽之病發心脾有不得隱曲故女子不
月其傳為風消王啟玄註曰大腸胃熱也心脾
受之心主血心病即血不流脾主味脾病則味
不化味不化則精不足故其病即不能隱曲脾
土已虧即風邪勝而氣愈消也又經曰月事不
來者胞脉閉也宜先服降心火之劑後服局中
五補丸後以衛生湯治脾養血也
五補丸補諸虛安五臟堅骨髓養精神

熟地各半人參各半牛膝各半白茯苓各半地骨皮各半
右煉蜜丸梧子大每服五十九溫酒空心服
衛生湯

當歸各二白芍各二黃芪各三甘草各一

每服五錢水煎空心服如虛者加人參一兩
按東垣潔古治血枯之法皆主於補血瀉火
補血者四物之類瀉火者東垣分上下中故火
在中則善食消渴治以調胃承氣之類火在下
則大小便秘澁治以玉燭之類玉燭者四物與

調胃承氣等分也。火在上則得于勞心，治以芩連及三和之類。三和者，四物涼膈當歸等分也。索古先服降心火之劑者，蓋亦芩連三和玉燭之類。後服五補衛生者，亦補氣之劑也。黃帝曰：有病胸脇支滿者，妨于食，病至則先聞腥臊臭，出清液，先唾血，四肢清，目眩時，前後血病名為何？岐伯曰：病名血枯，此得之少年時有所大脫血，若醉入房中，氣竭肝傷，故月事衰少不來也。帝曰：治之奈何？岐伯曰：以四

烏鰂骨一、薏苡二味并合之丸，以雀卵大如小豆，以五丸為后飯，飲以鮫魚汁，利腸中及傷肝也。

王啟玄註云：烏鰂魚骨主血閉，薏苡主散惡血，雀卵主血痿，鮫魚主瘀血。河間宣明論方：烏鰂魚骨、薏苡各等分，雀卵不拘數，和丸，小豆大，每服五丸，至十九煎鮫魚湯下，食後日三服，壓以美膳。

養生必用論曰：女子十四天癸至，任脉通，月事以

時子是有子天癸者物之自然月者以月至經者有常也其來過與不及皆謂之病若榮血虧損不能滋養百骸即髮落面黃羸瘦燥熱燥氣盛則金受邪金受邪則為咳為嗽為肺癆為肺痿必矣但助胃壯氣則榮血生而經自行須慎飲食調七情保神氣庶可得生若暴怒氣逆經閉不行當用行氣破血之劑

劉宗厚曰榮者水穀之精氣和調于五臟洒陳于六腑乃能入于脉也源之而來生化于脾總統

于心藏受于肝宣布于肺施泄于腎灌溉一身目得之而能視耳得之而能聽手得之而能握足得之而能步臟得之而能液腑得之而能氣注之于脉少則瀋充則實常以飲食滋養則陽生陰長變化而為血諸經恃此則百脉長養耗竭則百脉空虚可不慎哉若陰氣一傷變症百出妄行于上即吐衄衰涸於下則痿閉血滲腸間則為腸風陰虛陽搏即為崩漏濕蒸熱厥則為滯下熱極腐化即為膿血火極似水則血紫黑

熱勝于陰發為瘡瘍濕滯于血則為痛痒癩疹
蓄之在上則善忘蓄之在下則善狂

寇宗奭曰夫人之生以氣血為本人之病未有不
先傷其氣血者若室女童男積想在心思慮過
度多致勞損男子即神色消散女子即月水先
閉且心病即不能養脾故不嗜食脾虛即金虧
故發嗽腎水絕則木氣不榮而四肢乾痿故多
怒髮髮焦筋骨痠若五臟傳遍則死苟或自能
改易心志用藥扶持庶可保生切不可用青蒿

黃虫等涼血行血宜栢子仁九澤蘭湯益陰血
制虛火也按內經五穀入于胃其糟粕津液宗
氣分為三隧故宗氣積于胸中出于喉嚨以貫
心脉而行呼吸營氣者泌其津液注之于脉化
以為血以營四末內養五臟六腑若服苦寒之
劑復傷胃氣是犯生生之戒必致於不起也
薛氏曰按經水陰血也屬衝任二脉上為乳汁下
為月水其為患有因脾虛而不能生血者有因
脾鬱而血不行者有因胃火而血消燥者有因

脾胃損而血少者有因勞傷心而血少者有因
 怒傷肝而血少者有因腎水少不能生肝而血
 少者有因肺氣虛不能行血者治療之法若脾
 虛而不能行者調而補之脾鬱而不行者開而
 補之胃火而不行清而補之脾胃損而不行溫
 而補之勞傷心血而不行逸而補之怒傷肝而
 不行和而補之肺氣虛而不行補脾胃腎虛而
 不行補脾肺經云損其肺者益其氣損其心者
 調其營衛損其脾者調其飲食適其寒溫損其

肝者緩其中損其腎者益其精皆當審而治之
 蕭氏曰經云氣上迫肺則心氣不得下通故月事
 不來今用連朴之類導痰降火使氣不上迫于
 肺故心氣下通而月事來也

丹溪治一婦久瘧食少經閉兩手無脉每自與三
 花神祐丸十餘粒津噤之月餘食進脉出又半
 月脉愈又一月經行亦此意也予嘗體此治陳
 婦二十歲形肥痞塞不食每日臥至未牌喫一
 盞粥粥後必吐水半碗復臥經閉三月前時忽

通黑色脉之辰時寸關滑皆有乃午後關滑寸
 不滑詢之因乘怒飲食而致遂以白朮一兩半
 厚朴黃連枳實各一兩半夏茯苓陳皮山查各
 參滑石各八錢縮砂香三錢仁各半兩紅花二
 錢分十帖各入薑汁三匙日進之間三日以神
 祐九神秘沉香九微下之至十二日吐止食漸
 進四十日平復如故又汪氏年三十餘形瘦亦
 痞不食吐水經不通以前方加參朮歸為君煎
 熟入竹瀝半盞薑汁服之但不用神祐九下亦

平復若咳嗽寒熱而經閉者當于咳門求之
 張子和曰凡月事不來用茶調散吐之次用玉燭
 散芩歸湯三和湯桂苓白朮散之類降心火益
 腎水開胃進食分陰陽利水道之藥也
 一婦月事不行寒熱往來口乾煩赤飲食少且
 暮間咳一二聲諸公皆用蚘蚘水蛭乾漆硃砂
 芫青紅娘子沒藥血竭之類惟予不然古方雖
 有此法柰病人服之臍腹必發痛飲食不進乃
 命止藥飲食稍進內經曰二陽之病發心脾心

受之則血不流故不月既心受積熱宜抑火升
水流濕潤燥開胃誘食乃涌出痰一二升下泄
水五六行濕水上下皆去血氣自然湍流月事
不為水濕所隔則依期而至矣亦不用蠶虫水
蛭有毒之藥如用之則月經縱來小澁反閉他
症生矣凡精血不足宜補之以食大忌有毒之
藥偏勝而致天闕多矣
一婦三十四歲經水不行寒熱往來面色痿黃
唇焦頰赤時咳二三聲問其所服之藥黑神散

烏金丸燒肝散四物湯驚風散建中湯寧肺散
鍼灸千百轉劇家人意倦不欲求治予憫之先
涌痰五六升午前涌畢午後食進餘症悉除後
三日復輕涌之又去痰一二升食益進不數日
又下通經散瀉訖一二升後數日去死皮數重
小者如麩片大者如葦膜不一月經水自行神
氣大康
室女月水不通用雄鼠屎一兩燒存性為細末
空心温酒調下一錢神効

仲景礬石丸 婦人經水閉不利 臍堅癖不止 中

有乾血下白物 礬石枯三錢 杏仁二錢

二味末之 蜜丸棗核大 內陰中劇者 再內之

琥珀散 治心膈迷悶 肚腹撮痛 月信不通等疾

烏藥二兩 當歸 蓬朮醋煨各一兩

右為末 溫酒調下 二錢

萬病丸 月經閉膈腹作痛 及產後癥瘕等病

乾漆炒烟出青白為度 牛膝酒浸焙各一兩

為末 生地黄汁一升 砂器慢火熬膏 丸梧子大

每服二十九 空心米飲下

紅花當歸散 經候不行 腰膝重痛 小腹堅硬

紅花 當歸尾 紫葳 牛膝

炙甘草 蘓木各二錢 白芷 桂心各一錢半

赤芍西炒一兩 劉寄奴苗錢五 為末 酒調服 三錢

栢子仁丸 栢子仁炒另研 牛膝酒洗 卷栢各半 澤蘭葉一兩

右蜜丸 梧子大 每服三十丸 空心米飲下

澤蘭湯 澤蘭葉二錢 當歸 芍藥各一錢炒

赤芍五
分
水煎服

茯苓補心湯 治婦人心氣虛耗不能生血又不
能制乎肺金氣滯以乘乎肝木肝既虧損則血
不能藏漸致精血枯涸月事不調此方專補心
元之虛抑其肺氣調和營衛滋養血脉前方
參蘓飲內除木香餘與四物湯對勻每服五錢
以薑棗煎溫服此方常進用以治宮娥多
牛膝散 治月水不利臍腹作痛或小腹引腰氣
攻胸膈 牛膝 桂心 赤芍 炒

菴仁 玄胡索 炒 川歸 丹皮 各一兩

右為末每服一錢酒調服或每服五錢水煎服

地黄通經丸 治月經不行或產後惡露臍腹作

痛 熟地 兩 蜜虫 去頭 水蛭 柳米同炒

菴仁 去皮 各 右煉蜜丸梧子大每服五七丸

空心酒下

牡丹皮散 治婦人月水不利臍腹疼痛

丹皮 炒 赤芍 生地 菴仁 川歸

桂心 赤茯苓 白朮 石葦 去毛 木香 各半

赤芍五
分
水煎服

右每服五七錢薑三片水煎空心服

本事通經丸黃婦人室女月水不通疼痛或成五

疝瘕桂心青皮去白大黃炒乾薑炒川椒

川烏炮乾漆炒莪術炒川歸炒菴仁炒各等分

為末先將四錢用米醋熬成膏和餘末調勻搗

千杵丸如梧子大晒乾每服二十九丸淡醋湯下

加至三十九丸溫酒亦得

厚朴湯治月水不通屢試有驗因氣滯痞嘔結痰在上寒熱

厚朴薑汁炙香切細濃煎去渣空心服不過三四

劑瘕

丹溪積痰傷經不行夜則妄語

瓜萸子一兩黃連五錢吳茱萸一錢菴仁五十

紅麴二錢縮砂三兩山查末

薑汁餗餅糊為丸

軀肥脂滿經閉者導痰湯加芩連不可服地黃如

用以薑汁炒過即陳如枳實黃連是也

一婦年二十餘兩年經閉食少乏力

黃連二兩白朮一錢陳皮各一錢滑石半兩黃芩半兩

木通分三 菴仁十二枚 炙甘草許少 水煎服

瘀血鬱滯經閉或臨經時腰疼腹痛宜四物加紅

花菴仁 莪朮 玄胡 香附 木香 發熱加黃芩 柴胡

瘀血作痛經閉不行丸藥方

香附醋煮四兩 瓦楞子煨二兩醋煮一晝夜 菴仁二兩 丹皮

大黃蒸 川歸各一兩 川芎 紅花各半兩

為末 飴餅丸 梧子 大空心 溫酒下 三五十丸

經水過期不行

玄胡索錢一 香附 枳殼各五分

為末 杜牛膝汁 半鍾 空心調服

當歸散 治經脈不通

川歸 川山甲煨 蒲黃炒各半兩 辰砂錢一 射香許少

右為末 酒調服 二錢

芎藭丸 血積心脾作痛

九節芎藭六兩 吳茱萸炒 香附子各四兩 右為末 醋

打神曲糊為丸 梧子 大每服五十九 薑湯下

沒藥散 血氣不行 心腹疼痛 或走注痛 月經不

調 發熱 暗熱 並宜用之

紅花 沒藥 川歸 玄胡炒

右各等分為末每服二錢童便酒調下

歲靈仙散 凡冷氣滯血少小腹疼痛或經行遇

怒腹脹痛宜用之

歲靈仙兩 川歸兩 沒藥 木香 桂心各五錢

為末每服一錢熱酒調下

當歸散 凡血積小腹痛或因氣逆月經不行肚

腹作痛 川歸炒 赤芍 沒藥 枳殼炒

劉寄奴 玄胡 各等分為末每服一錢酒調下

加味建中湯 血海受寒小腹作痛

桂心兩半 白芍兩 炙甘草半二錢 吳茱萸

當歸 玄胡 丹皮各五錢

每服五錢加薑棗水煎食前服

滋血湯 婦人血熱氣虛經候滯滯不通肢體麻

木肌熱生瘡渾身痒倦將成癩瘵不可妄服藥

餌宜以此滋養自能通利

馬鞭草 荆芥穗各四兩 桂心 枳殼 川芎

川歸 丹皮 赤芍各一兩

每服五錢烏梅一枚水煎食前服 如有此症服半月經脉自通百病皆愈 出適宜方

崩

生生子曰崩者謂傾陷之勢而不可遏俗曰血山崩謂血暴下如山之崩壞也又曰血海敗蓋衝任二脉為血之海附于陽明陽明者土也土位乎中故又曰崩中

內經陰陽別論云陰虛陽搏謂之崩東垣曰婦人脾胃虛損致尺部脉沉細而數或沉絃而洪大

有力寸關脉亦然皆由脾胃有虧下陷于腎與陰火相合濕熱下迫經漏不止其色紫黑如夏腐肉之臭中有白帶者脉必絃細寒作于中中有赤帶者其脉洪數疾熱明矣必腰痛或臍下痛臨經欲行先見寒熱往來而脇急縮兼脾胃症出見或四肢困熱心煩不得眠心下急宜大補脾胃而升舉血氣可一服而愈或人故貴脫勢人事疎少或先富後貧心氣不足其火大熾旺于血脉之中又致脾胃飲食失節火乘其中

形質肌肉容顏似不病者此心病不行於診故
脾胃症顯矣故經水不時而下或暴下不止治
當先說惡死之言勸諭令拒死而心不動以大
補氣血之藥補養脾胃微加鎮降心火之藥治
其心補陰瀉陽經自止矣痿論云悲哀太甚則
胞絡絕胞絡絕則陽氣內動發則心下崩數溲
血也故本病曰大經空虛發則肌痺傳為脉痿
此之謂也

良方論曰婦人崩中由臟腑傷損衝任血氣俱虛

故也衝任為經脉之海血氣之行外循經絡內
營臟腑若無傷損則陰陽和平而氣調適若勞
動過多致臟腑俱傷而衝任之氣虛不能約制
其經血故忽然暴下或由陰陽相搏為熱所乘
攻傷衝任血得熱則流散甚者致于昏悶其脉
數小則為順洪大為逆大法當補脾胃為主
薛氏曰經云陽絡傷則血外溢陰絡傷則血內溢
又云脾統血肝藏血治法前症因脾胃虧損不
攝血歸元用六君子加芎歸柴胡若肝經之火

而血下行用奇効四物湯或四物加柴梔苓朮
若肝經風熱而血妄行用加味逍遙散或小柴
胡梔芍丹皮若怒動肝火而血滯騰亦用前藥
若脾經鬱結而血不歸經用歸脾加柴梔丹皮
若悲傷胞絡而血下崩用四君加柴梔升麻故
東垣先生云凡下血症須用四君以收功厥有
旨哉若大吐血母以脉論當急用獨參湯救之
若潮熱咳嗽脉數乃元氣虛弱假熱之脉尤當
用人參溫補此等症候無不由脾胃先損故脉

洪大察其有胃氣能受補則可救苟用寒涼止
血之藥復傷脾胃反不能攝血歸源是速其危
也

丹溪曰血崩亦有因涎鬱胸中清氣不升故經脉
壅遏而降下非開延不足以行氣非氣升則血
不能歸隧道此論血泄之義甚明蓋開胸南濁
涎則清氣升清氣升則血歸隧道不崩矣故其
証或腹滿如孕或臍腹疝痛或血結成片或血
出即快止即悶或臍上動其治法宜開結痰行

滯氣消瘀血

又曰勞動過傷臟腑衝任之氣虛不能約制其經血故忽然而下謂之崩中暴下當宜大補氣血之藥舉養脾胃微加鎮墜之劑治其心補陰瀉陽經自止矣○急即治其標用白芷湯調百草霜未甚者棕櫚灰後用四物湯加炒乾薑調理○因勞者用參耆帶升補藥○因寒者用乾薑因熱者用黃芩○崩過多者先以五靈脂末一服當分寒熱蓋五靈脂能止能行○紫色成塊

者為熱四物湯加黃連之類○崩中用香附白芷丸服氣虛血虛者皆以四物湯加參芪○漏下為熱而虛四物加黃連○崩中白帶用樹白末又用石灰炒去灰為末茜草少許粥丸服○經血逆行或血腥或唾血或吐血用韭菜汁服効
治血崩血瘕或經行產後心腹脇痛五靈脂炒烟盡為末每服一錢溫酒調或用三錢水酒重便煎服

治風熱血崩荆芥穗燈火燒焦為末每服三錢童
便調服又治產後昏暈俱妙

獨聖散 治肝經有風血崩

防風去聲又為末每服二錢空心食前酒煮白麵

清飲調下極驗

神應散 治血虛內熱血不歸經而崩

桂心燒存性為末每服一二錢米飲調下

又方 陳槐花二兩百草霜半兩為末每服一二

錢燒紅鐵秤鎚酒調下

簡易黃芩湯 崩中下血陽乘陰經水沸溢

黃芩為末每十二錢燒秤鎚酒調下或用此酒

吞芩心丸亦妙

伏龍肝散 治氣血勞傷衝任經虛血非時崩下

臍腹疼痛脉遲弱食或赤或白帶下

伏龍肝 赤石脂 麥冬各一兩 炙甘草半兩

川芎三兩 當歸三兩 乾薑七錢半 桂心半兩

艾葉三兩 熟地二兩 每服六錢棗一枚水煎服

羅氏備金散 治婦人血崩不止

香附子

炒四兩

歸尾

二錢

五靈脂

炒一兩

空心酒調服

五錢立效

本事方

治下血不止或成五色崩漏

香附子春去皮毛中斷之畧炒為末每服二錢

用清米飲調下○此方徐氏傳其內人有是疾

徧服藥不效後服此遂愈須久服為佳亦治產

後腹痛大是婦人仙藥常服益血調氣○大全

方用醋煮出焙乾為末醋糊為丸梧子大每服

五十丸米飲送下○數墮胎者此藥尤妙前藥用乾

荷葉濃煎湯調吞更佳

縮砂散

治血崩

縮砂仁不以多少於新瓦上炒香為末米飲調

下三錢

治血崩不止

五靈脂炒加當歸酒同煎或水酒

童便各半盞同煎服

又方

水煎五靈脂半乾去渣清再熬成膏入神

曲末為丸梧子大空心温酒下三五十九便止

又方

鹿茸

醋炙

當歸

各一錢

蒲黃

炒半兩

赤水玄珠

三十五卷

嘔

為末酒調五錢日三

仲景桂枝茯苓丸 治婦人有癥在臍上動下血

不止 桂枝 茯苓 菴仁去皮

芍藥 丹皮去心各 為末煉蜜為丸梧桐子

大每服十九日三以知為度

又婦人陷經漏下色黑 膠薑湯主之即芍歸膠艾湯

芎藭 阿膠 甘草各二 艾葉

當歸各三 芍藥四 熟地 右水五升清酒三

升煮取三升去渣內膠令消盡溫服一升日三

不瘥更煮料一云加乾姜一兩

東垣益胃升陽湯 血脫益氣古人之法也先補

胃氣以助生長故曰陽生陰長諸甘藥為之先

務舉世皆以為補氣殊不知甘能生血此陽生

陰長之理也故先理胃氣本身之內穀氣為寶

黃芪錢二 人參嗽者去之 神曲炒各一 升麻 柴胡各

分 白朮錢三 當歸身 甘草炙 陳皮錢一

生黃芩錢二 馮盛暑之伏金 右每服五錢如

食添再加之如食減於五錢內減一二錢不可

赤水玄珠

三十五卷

嘔

多服水煎服一方有生地如腹痛每服內加
白芍二分中桂少許如口乾渴加葛根二分先
服此益胃升陽湯不止却服後柴胡調經湯大
舉大升之也

柴胡調經湯治經水不止下皆鮮血項筋急腦
痛脊骨強痛不思飲食

羌活心獨活 藜蘆本 升麻各五分 蒼木一錢

葛根當歸 甘草各三分 柴胡七分 紅花少許

水煎稍熱服取微汗立止

又嘗治一老婦血崩不止流流不絕滿床皆血上

床不得者三月矣腹滿如孕乃作虛挾痰積瘵

血治之用四物四兩參朮各一兩甘草半兩以

植虛香附三兩半夏兩半茯苓陳皮枳實砂仁

玄胡各一兩以破痰積汚血分二十帖每帖煎

乾加乾荷葉側柏葉湯再煎服之服盡良愈今

再不發如神

雲岐子栢黃散 療經血不止

黃芩一兩二錢半 側栢葉各一兩 蒲黃各一兩 伏龍肝一兩

水二升煎取八合分為二服

又方崩中不止結作血片如雞肝色碎爛

芎藭一錢阿膠二錢青竹茹各八分續斷一分地榆一分

小薊根各三分當歸六分生地四分伏龍肝各一分

水九盞煎三盞分三服

一婦經漏不止四物加黃連黃柏鹿角膠童便數

劑而愈綠此婦素服不淨參芪後又小產血崩

不正亦以前劑進之而安

大千方崩中下血不止小腹脹痛

白芍藥二兩側柏葉六兩右水一升煎取六

合入酒五合煎取五合空心分為二服一方

為細末酒調二錢一方有鹿角膠等分酒調

治白帶臍腹痛

治經血不止歌曰婦人經血正淋漓舊莖蓮

蓬燒作灰熱酒一盞調八字自然安樂更

無疑

經驗方百草霜二錢狗胆汁拌勻分作二服以

當歸酒調下

黃芩湯 治經血不止

黃芩分五

川歸

側柏葉

蒲黃各四

艾葉分一

生地半二錢

伏龍肝二錢

生薑三片水煎服

經驗方 治血崩不止

右用黃連解毒湯加艾葉服無不效者

南岳魏夫人濟陰丹

治婦人血氣久冷無子數

經墮胎皆因衝任之脉虛損胞內宿挾疾病經

水不時暴下不正月內再行或前或後或崩中

漏下三十六疾積瘕瘕臍下冷痛小便白濁以
上疾症皆令孕育不成以致絕嗣常服令人有
孕及生子充實產後百日内常服能去百病去
宿血生新血

木香煨

茯苓

京墨

燒紅醋研末

菴仁

去皮尖炒各一兩

秦芫

炙甘草

人參

桔梗

炒

藁本

石斛

酒浸焙

蚕退絲

燒存性各二兩

乾薑

炮

牡丹皮

桂心

川歸

細辛

川芎

各一兩

熟地

川楝

去目炒出汗

山藥

各七錢半方三兩

澤蘭葉

熟地

香附炒各大豆黃卷炒半蒼朮米泔浸去糯米炒
右為末蜜丸每兩分作六丸每服一丸嚼細食
前溫酒醋任事此藥用之累效血崩服之即
止向有經候不行者二年腹內一似懷孕時
或鼓動但脈絃疾非妊娠耳遂令服至半劑下
血塊一盃自後服盡經候竟調若經病久無字
者服之即孕且生子充實但服至有孕便當住
服或脾胃素弱不宜用蜜丸則以醋煮薄麵糊
為丸如梧子大每服五十九丸溫酒醋湯任下

赤白帶下

機要云赤者熱入小腸白者熱入大腸其本實熱
寃結於脈不散故為赤白帶下也寃屈也結也
屈滯而病熱不散先以十棗湯下之後服苦練
丸太玄胡散調下之熱去濕除病自愈也劉宗厚曰

此論有餘之症也

良方論云婦人帶下其名有五因經行產後風邪
入胞門傳於臟腑而致之若傷足厥陰肝經色
如青泥傷於手少陰心經色如紅津傷於手太

陰肺經形如白涕傷於足太陰脾經黃如爛瓜
傷足少陰腎經黑如衄血人有帶脉橫於腰間
如束帶之狀病生於此故名爲帶
生生子曰按此論前既云傷於肝則色青傷
於心則色赤云是五臟皆能令人帶下也
抑何待於奇經之帶脉病而後然歟緣帶乃
有形之病如衣帶之狀所下之物亦必成條
或成片而象之也雖有赤白之殊皆溫痰瘀
血所致若局定指奇經帶脉之名而始名之

爲帶下得無太泥乎哉故之難經二十九難
曰奇經之爲病何如云帶之爲病腹滿腰
溶溶若坐水中滑伯仁註曰任脉起胞門行
於腹故病苦內結男爲七疝女爲瘕聚帶脉迴
身一週故病如是觀乎是在任脉則有男女
之分在帶脉則無男女之分據乎是則凡帶
脉所生之病乃男女均有之疾初非硬指帶
脉之名爲婦人今日所謂白物淫淫而下之
帶也又按內經骨空篇曰任脉爲病男子內

結七山女子帶下痕聚亦是以任脉主帶下
而不以帶脉名帶下也故後之歷代諸公所
治亦不泥於帶脉予故辯而明之庶臨症者
而毋以名拘焉
劉宗厚曰按良方此論言風氣寒熱傷於諸臟致
症似言外邪大抵此症多有本於陰虛陽竭營
氣不升經脉凝滯衛氣下陷精氣累滯於下焦
奇經之分蘊積而成其病或醉飽房勞服食燥
劑所致也白物如涕之狀故言帶者亦病形也

經云帶脉為病而得者而白者屬氣赤屬血東
垣舉脉訣曰崩中日久為白帶漏下多時骨木
枯言崩中者始病血崩久則血少復亡其陽故
白滑之物下流不止此可見未得全拘於帶脉
矣詳病亦有濕痰流注於下焦或肝腎陰淫之
濕勝或因驚恐而水乘土位濁液下流或思慕
為筋痿內經所謂二陽之病發心脾是也或餘
經濕熱屈滯於少腹之下而病本殊則皆為氣
血虛損營衛之精氣累治而成其病標一也前

八立論殆盡病機則治法無定若戴人以帶下
得兩手脈俱滑大而有力乃上用宣法痰飲下
以導水丸泄濕熱繼以淡劑滲之此為瀉實也
如其諸脈微細或沉緊而瀋按之空虛或洪大
而瀋按之無力正為元氣不足陰虛筋痿虛極
中寒等症東垣有補陽調經固真等例乃兼其
虛也丹溪先生治因濕痰下注用海石南星椿
根皮之類較之前人下之而復吐以提其氣或
穀中兼補補中兼利燥中兼升穀潤中兼益氣

溫而兼收澁之例不同蓋病機有輕重淺深之
異耳

仲景曰婦人帶下六極之病脈浮則為腸鳴腹滿
緊則為腹中痛數則為陰中痒痛洪則生瘡弦
則陰疼掣痛

又曰帶下有二門一胞門三龍門三玉門已產屬
胞門未產屬龍門未嫁女屬玉門

脈經問曰未出門女有三病何謂也師曰一病者
經水初下陰中熱或有當風或有弱者二病者

或以寒水洗之。三病者或見丹下驚怖得病屬帶下。

又問曰婦人年五十所病下痢數十日不止暮則發熱少腹裏急痛腹滿手掌熱唇口乾燥何也師曰此病屬帶下何以故曾經半產瘀血在少腹中不去何以知之其症唇口乾燥故知之當與溫經湯。

內經曰脾傳之腎病名疝瘕少腹冤熱而痛出白一名白蠱當此之時可按可藥。故玄子註曰

出白洩出白液也蓋便濁白帶之類。

許學士云凡婦人有白帶多致不產育速宜治之。衍義治帶下并腸有敗膿淋露不已腥穢殊甚遂至臍腹更增冷痛此蓋敗膿血所致卒無已期。須以此排膿白芷一兩單葉紅蜀葵根二兩白芍藥白枯礬另為末各半兩同以蠟丸如梧桐子大空心及飯前米飲下十九或十五丸俟膿盡仍別以補藥佐之。

本事方治下元冷赤白帶下不問遠年近日盡

効了龍骨

錢五

船上硫黃

半三錢

右為末每服

半錢無灰酒下空心調服一日三服

伏龍肝散

治赤白帶下久不瘥肌瘦瘵黃

棕櫚

性燥存

伏龍肝

屋梁上塵

懸長者炒烟盡出炭毒

右等分為末入龍腦射香各少許每服二錢酒

或醋調服病十年者半年可安有人經年崩漏

不止諸藥不効脉濡微與此藥兼香礬丸服之

即愈

香礬丸

白礬

四兩

香附子

二兩

黃狗頭骨灰

四兩

右為末粥丸梧子大每服三十丸

東垣補經固真湯

白文舉正室白帶常漏久矣

諸藥不効診得右尺極微其白帶下流不止脉

經云崩中日久為白帶漏下多時骨木枯言崩

中者始病血崩久則血少復亡其陽故白滑之

物下流不止是本血海將枯津液浸亡乾枯不

能滋養筋骨以本部行經為引用為使以大辛

甘油膩之藥潤其枯燥而益津液以大辛熱之

氣味補其陽道生其血脉以苦寒之藥泄其肺

而救上熱傷氣以人參補之以微苦溫之藥為佐而益元氣名曰補經固真湯

柴胡 甘草 陳皮 郁李仁 研 生黃芩 一錢 另入各

人參 乾薑 錢各二 白葵花 七朵 右除黃芩外

以水一大盞煎至一盞七分再入黃芩同煎至

一盞空心熱服以早膳壓之

桂附湯 治白帶腥臭多悲不樂大寒

肉桂 錢一 大附子 錢三 黃柏 知母 各五 如少食常

飽有時似腹脹加白芍藥 五分 如不思飲食加

五味子 粒二十 如煩惱面上麻木如虫行乃胃中

元氣極虛加黃芪 錢一 人參 分七 炙甘草 分二 升麻 分五

作一服水二鍾煎至一鍾食遠熱服

酒煮當歸丸 治顏疝白帶下注脚氣腰以下如

在冰雪中以火焙炕重厚綿衣蓋上猶寒不任

冷之極也面白如枯魚之象肌如刀削消瘦之

速也小便不止與白帶長流而不禁固自不知

覺面白目青藍如菜色目眈眈無所見身重如

山行步欹側不能安地腿膝枯細大便秘結口

不能言無力之極食不下心下痞煩心懊懷不
往其苦面停垢背惡寒小便遺而不知此上中
下三陽真氣俱竭故噦嘔不止胃寒之極也其
脉沉緊而瀋按之空虛若脉洪大而澁按之無
力猶為中寒之症况按之空虛者乎按之不鼓
是為陰寒之極也其空虛乃血氣俱虛之極也
當歸一兩 茴香兩半 黑附子炮去皮 良薑各七錢
右四味剉以好酒一升半煎至酒盡為度炭火
焙乾為細末入後藥炒黃鹽丁香各半兩

全蝎三錢 柴胡二錢 升麻根 木香各一錢 苦練子
炙甘草各五分 玄胡索四錢 俱為末與前四味和
勻酒煮麵糊為丸梧子大每服二十九丸餓肚淡
醋湯下忌油膩冷物酒麵
當歸附子湯 治臍下冷痛赤白帶下
柴胡七分 良薑 乾薑 黑附子各一錢 升麻
蝎梢各五分 炙甘草六分 當歸二錢 炒黃鹽三分 黃栢二分
每服五錢水煎服為丸子亦可
右炒鹽例東垣回陽丹註去必用炒黃鹽無則

赤水玄珠

不效蓋寒疝之要藥也

固真丸

治白帶久下不止臍腹冷痛其寒捫之如冰陰中亦然目中溜火上壅視物眈眈無所見齒皆惡熱飲痛須得黃連末擦之乃止惟喜乾食大惡湯飲此病皆寒濕乘其胞內故喜乾而惡濕肝經陰火上溢走於標故上壅而目溜火腎水侵肝而上溢故目中眈眈無所見齒惡熱飲者是少陽陽明中伏火也當大瀉寒濕以丸藥治之故曰寒在下焦治宜緩大忌湯散

以酒制白石脂白龍骨以枯其濕以炮薑大辛熱瀉寒水以黃柏之太寒為因用又為鄉導治法云古者雖重罪不絕人之後又為之伏其所至先其所因之意又瀉齒中惡熱飲也以柴胡為本經之使以芍藥半錢以導之又恐辛熱之藥太甚損其肝經故微瀉之以當歸之辛溫大和血脉此用藥之法備矣

白石脂燒赤水飛研細晒乾 柴胡各一錢 炮薑四錢 黃柏酒洗
白芍各五分 龍骨酒煮飛二錢 當歸酒洗三錢

右為末水煮稀糊為丸芡實子大每服三十九丸
空腹時滾湯送下即以美饊壓之忌生冷硬
物酒濕麪

補真潤腸湯 治白帶陰戶中痛控心而急痛身

黃皮緩身重如山陰中如冰陽湯一名助

即前固真湯減入參加防風高良薑

海藏香附六合湯 治赤白帶下即四物加
苗香桂也

大千方 治赤白帶下年深月久不瘥

白芍藥二兩乾薑兩半各炒黃色為末米飲下二

錢日二服

丹溪治赤白帶下大法 或十棗湯神祐丸或玉

燭散皆可用之虛者不可峻攻實者可行

血虛加減四物湯 氣虛以參白朮陳皮間

與之 主治燥濕為先 濕甚者固腸丸 陰

火動者諸藥中加炒黃柏 滑者加龍骨赤石

脂 滯者加葵花白者治白
赤者治赤 性躁者加黃連

寒月少加薑附歸機應變先須斷厚味帶

下與膏遺回法治之 肥人有帶多是濕痰用

海石半夏南星黃柏炒青黛蒼朮川芎瘦人
 帶病少如有者多是濕熱用炒栝粉滑石川
 芎青黛樗皮帶漏俱是胃中痰積流下滲入
 膀胱出於大腸小腸宜升提甚者上必用吐以
 提其氣下用二陳湯加白朮蒼朮治結痰白
 帶以小胃湯半飢半飽津液下數丸俟鬱行却
 服補藥白朮蒼朮半紅白葵花半
白芍藥右七錢餅為丸空心前四物湯吞二十丸
 一婦年七十形瘦善啖白帶食前薑湯吞大補丸

五十丸一二次午膳後及臨卧時各與小胃丹

十五丸愈

乳香散治赤白帶下草果一枚去皮入乳香

焦存性連每服二錢重者三錢陳皮湯調下

帶下不止用楸自白芷治白帶以楸自為末

飲下

樗皮丸治赤白帶有濕熱者

白芍五錢良薑炒三錢黃柏炒成二錢椿皮一兩

右為末粥丸每服三五十九丸米飲下

五五

治白帶因濕熱而勝下者蒼木 白芍藥

滑石一兩 枳殼各二兩 甘草各三錢 椿根皮炒

乾薑二兩 地榆半兩 為末粥丸米飲下

治帶下 椿根皮二兩 神麴炒 麩麴炒 黃栢炒

蒼木各一兩 白芍半兩 滑石一兩 枳殼各五錢

右為末糊丸梧子大空心服五十九

赤白帶皆屬於血有出於大小腸之分黃荊子炒

焦為末米飲調三錢

固腸丸 治濕氣下利大便益白帶去脾胃陳積

之後用此以燥下濕亦不曾單用看病作湯使

椿根白皮為末粥糊為丸此藥性涼而燥須炒

用一方加滑石半兩

地榆膏 治赤白帶下骨立者

地榆斤一 用水三升煎至一半去渣再煎如稠

錫空心服三合日二次

治漏下五色地榆三兩用醋一升煮十餘沸稍熱

食前服一合

治白帶因七情所傷脈數者

黃連炒

側柏蒸酒

黃栢炒各半

香附炒醋

白朮炒

白芍各一兩

白芷燒存性三錢

椿根皮炒二兩

木香三錢

為末粥丸米飲下

千金方治赤白帶下

三葉酸醬草陰乾為末空心溫酒下三錢

丹溪治赤白帶

龜板酒炙二兩

黃栢炒一兩

乾薑炒一兩

枳子二錢半

右酒糊為丸每服七十九日二服

又方治帶下脉數者

枸杞根一斤

生地五斤

右以水一斗煮取五升分五服

治帶下赤白腰痛或少腹痛有熱者

樗皮二兩

玄胡索

菴仁

側柏葉

茴香

當歸

川練肉各半兩

香附八錢

官桂

烏藥各三錢

麥皮曲炒一兩

又右為末酒糊為丸每服六十九神效

白芷散治下元虛弱赤白帶下或經行不止等

症

白芷一兩

海螵蛸三枚

胎髮五九

為末每服二錢酒調下

東垣坐藥龍蓋膏

丁香

川烏炮

木香

錢各半

全蝎 五枚 良薑 木通 各一錢 枯礬 五分 龍骨

茴香 歸稍 炒黃鹽 防已 酒洗 紅豆

肉桂 各二錢 厚朴 三錢 玄胡索 五錢 右為末煉蜜丸

白彈子大綿裹留絲在外納陰戶內

又方勝陰丹為上藥力小再取三錢內加行性熱

藥 三賴子 川烏 大枳 各五分 柴胡

羌活 各二錢 全蝎 三枚 大蒜 破故紙 與蒜同焙各一錢

升麻 枯礬 各二分 射香 少許 甘松 三分

右為細末同前制用

又方回陽丹 全蝎 升麻 甘松 各三分 羌活

草烏頭 各三分 水蛭 焙乾三條 蚩虫 三枚去翅足炒 川烏

柴胡 各七分 大枳 萆撥 枯礬 三賴 各五分

大蒜 破故紙 各二錢 炒黃鹽 一錢此必用之藥去之則不効

右為細末依前制如指尖大綿包納陰戶中覺

臍下煖為効

丹溪治胡安人白帶下月經甚多食少倦怠面黃

經中有如血塊者有如筋膜者與參朮等補血

氣調脾胃後諸症皆退惟帶未止以樗皮丸主

張戴人治一婦帶下連綿不絕白物或來已三載
 矣兩手脈俱滑大有方六七至常上熱口乾眩
 暈時嘔酢水乃寒痰在胸中以瓜蒂散吐出冷
 痰二三升皆酢水也間如黃涎狀如爛膠次以
 漿粥養其胃氣又次用導水禹功以瀉其下然
 後以淡劑滲泄之藥利其水道不數日而愈
 又息城李左衛之室病白帶如水窈漏中綿綿不
 絕穢臭之氣不可近面黃食減已三年矣諸醫

皆云積冷陽起石硫黃薑附之藥重重燥補汚
 水轉多戴人斷之曰此帶濁水本熱乘太陽經
 其寒水不禁固故如此也夫水自高而趨下宜
 先絕其上源乃涌痰二三升次日下沃水斗餘
 行三遍汗出周身至明且病人云汚已不下矣
 次用寒涼之劑服及半載產一男
 仲景溫經湯

- 吳茱萸三 川歸 芎藭 芍藥 人參 桂枝
- 阿膠 丹皮 生薑 甘草各二 半夏半

麥冬升一 右十二味水一斗煮取三升分温三服服亦主婦人少腹寒久不受胎兼取崩中去血或月水過多及至期不來

五靈散 治赤白帶下

五靈脂半生半炒 為末酒調服

大千方 治白帶 茅花炒一握 棕櫚灰寸三

嫩蓮葉葉三 甘草節錢一 右為末空心酒調方寸匕

益母散 治帶下赤白惡露下不止

益母草開花時採搗為末空心酒服二錢日三服

又方 治白帶用白芷以石灰炒去灰黃草少許

粥糊丸服

又方 白芍藥炒黑為末每服三錢七酒調下

丹溪治赤白帶用生狗頭骨燒存性為末酒調服

或入藥服

千金方 治帶下

雲母為末温水調服三方寸匕立見神效

姪娘白帶 蒼朮三錢 白芷 黃芩炒各二錢

黃連炒 黃柏炒 樗根皮炒各一錢 山茱萸各二錢

赤白珍珠 半錢 白芍 半錢 為末糊丸空心酒服五十九

倉公傳與褚氏論皆云師尼寡婦獨陰無陽慾心

下萌而未遂是以慳慳成病以致下寒上熱而類

瘡狀父則為勞又有經閉白淫痰逆頭風膈氣

痞悶面黧瘦瘠等症皆寡婦之病診其脉獨肝

部弦出寸口而上魚際皆血盛所致經云男子

精盛則思室女人血盛則懷胎觀其精血思過

又半矣

薛氏曰前症若肝脉弦出魚際用生地黄九血虛

佐以四物湯若兼怒動肝火而寒熱佐以加味

逍遙散若虧損肝經而寒熱佐以八珍湯若虧

損元氣而寒熱佐以補中益氣湯若鬱傷脾氣

而寒熱佐以濟生歸脾湯

治一寡婦不時寒熱脉上魚際以血盛之症用小

柴胡湯加生地黄治之而愈但畏風寒以脾胃

氣虛用加味歸脾湯補中益氣湯兼服而安

一婦因夫久出經商發寒熱月經旬日方止服降

一婦因夫久出經商發寒熱月經旬日方止服降

一婦因夫久出經商發寒熱月經旬日方止服降

火涼血藥內熱益甚自汗盜汗月經頻數予曰
內熱自汗乃脾氣虛弱也月經頻數乃血不歸
脾也用歸脾湯六味丸而愈
下室女寒熱肝脉弦長而出寸口用小柴湯加生
地烏梅治之而愈既嫁而諸症悉痊
一室女久患寒熱月經失期以小柴湯加生地治
之少愈更以生地黄丸而痊
生地黄丸 許學士云有一師尼惡風体倦下寒
下熱面赤心煩大小柴胡湯雜進其病益劇子

診視之曰三部脉無寒邪但肝脉弦長而上魚
際服以丸而愈

柴胡 秦艽 黃芩各五錢 生地二兩

赤芍藥一兩 右為末煉蜜為丸梧子大每服

三十九丸烏梅湯下日三服

逍遙散 治日復虛熱脉微細

地骨皮 甘草 黃芩 川芎各三錢

北柴胡 五錢 香附 三錢

右水煎空心服加竹葉十片

柴胡散

治寒熱往來以陰陽相勝陰勝則寒陽勝則熱或是胎前雜病但服此湯如遠湯

雪 北柴胡 黃芩 甘草 各三錢

地骨皮 一錢 荆芥 桂 各二錢

水煎服 再仍服小柴胡湯三五帖

變與覓交

人稟五行秀氣而生承五臟神氣而養若調理失節氣血虛衰則鬼邪干其正隱避而不欲見人時獨言笑或時悲泣是其候也脉息遲伏或如

鳥啄或綿綿而來不知度數面頰不變亦其候也

薛氏曰前症多由七情虧損心血神無所護而然

也宜安神定志等藥則正氣復而神自安若脉

來乍大乍小乍短乍長亦為鬼祟也宜灸鬼哭

穴以患人兩手相並用線系扎當合縫處

即乞求免災云我自去矣

茯神散

治妄有所見言語雜亂時或昏昧痰

熱 茯神 炒 一兩半 茯苓 人參 石菖蒲

赤水玄珠 卷之五 赤小豆 五分 右水煎服

桃仁丸 治鬼魅交通 桃仁各三錢

辰砂 另研 檳榔 當歸 阿魏 麩包煨

水銀 一錢 束肉 一錢 射香

沉香 各半 右為末 煉蜜為丸 梧桐子 大每

服十九 空心 桃仁湯下

辟瘟丹 虎頭骨 二兩 辰砂 雄黃 雌黃

鬼箭羽 鬼箭羽 無漏仁 西藥 鬼箭羽

藜芦 各一兩 右為末 蜜丸 彈子 大囊 盛一丸 男左女右 繫臂上 及用一丸 當病人戶前 燒之 一切邪鬼 不敢近 妙香散 治心氣不足 精神恍惚 虛煩 少睡 盜汗等症 甘草 人參 桔梗 各半 黃耆 茯神 去皮 茯苓 遠志 去心 山藥 姜汁 炙 辰砂 三錢 射香 二錢 木香 二錢 右為末 每服 二錢 溫酒調服

治婦人與鬼交

赤水玄珠 卷之五

松脂 雄黃 先熔松脂乃入雄黃以虎
爪不住手攪得所取如雞子黃大令患人卧以
被蓋取藥薰之惟露頭在外勿令泄氣又不可
過熱

鹿角散 男女夢與鬼交精神恍惚者

鹿角屑三指撮日二服酒下亦治遺精婦
人被妖魅狐猫祟迷惑不肯言鬼鹿角屑以水
服方寸匕即言實也

桃鳧 一名桃奴 一名梟景 是過年樹上不

落乾桃子味苦微温主殺百鬼精物療中惡腹
痛殺精魅五毒不祥正月採之

熱入血室

婦人傷寒傷風發熱經水適來昼則安靜暮則譫
語有如瘧狀此為熱入血室治者無犯胃氣及
上二焦宜服小柴胡湯

薛氏治一婦經行感冒風邪昼則安靜夜則譫語
此熱入血室也小柴胡加生地治之頓安但
內熱頭暈用補中益氣湯加蔓荊子而愈後因

赤白痢 卷五 六

惱怒寒熱譫語胸肋脹痛小便頻數月經先期
此肝火血熱妄行以加味道遙散加生地黃而
愈

一婦因怒寒熱頭痛譫言妄語至復益甚月經暴
至以此怒動肝火用加味道遙散加生地治之神
思頓清又用補中益氣湯而痊

一婦經行感冒譫語或用發散寒涼之劑前症益
甚月經不止肚腹作痛嘔吐不食痰涎自出此
熱入血室而藥復傷胃用香砂六君子歸脾湯

而安

乾姜柴胡湯

治婦人傷寒經脈方來熱入血

室寒熱如瘧或狂言見鬼

柴胡一錢

桂枝三分

牡蛎服

乾姜炮

甘草三分

瓜蒌根五分

水煎汗出而愈

海蛤散

治婦人傷寒血結胸膈宜服以藥及

針期門穴

海蛤

滑石煨水

甘草各二分

芒硝一兩

右為末每服二錢用雞子清調下小腸通利其

結血自散更用桂枝紅花湯發其汗則愈

桂枝紅花湯 治傷寒發熱口燥舌乾經脈不

行 芍藥 炙甘草 各一錢

紅花 二錢

右姜朮水煎服良久更進汗出可解

加味道遙散 肝脾血虛有熱遍身搔痒或口

燥咽乾發熱盜汗食少嗜卧小便澀滯等症又

治瘰癧流注虛熱等瘡熱入血室等症

炙甘草 當歸 芍藥 茯苓 酒炒

白朮 炒各一錢 柴胡 丹皮 山梔 炒各五分

水煎服

道遙散 即前方去丹皮山梔

加味小柴胡湯 治經水適來傷寒或經水適

止傷寒登則明了復則發熱譫妄如狂 即小

柴胡加生地黃牡丹皮

心胸嘈雜

婦人嘈雜此脾胃鬱火痰滯血液汗而成用猪

血炒食之乃以血導血而使之歸源耳旋覆花

湯尤善

薛氏曰若因食鬱用六君子山查山梔若因胃熱
 用二陳姜炒蒼連若因六鬱用越鞠丸若因氣
 滯用四七湯桔梗枳殼大抵此症屬病氣元氣
 俱不足須用六君子為主少佐以治痰之藥若
 以火治之必變吞酸中滿

一婦飲食少思胸中嘈雜頭暈吐痰此中氣虛而
 有熱用六君子湯加炒黑梔子桔梗而愈後因
 勞役頭暈發熱吐痰不食用補中益氣加半夏

茯苓天麻而痊

一婦中脘嘈雜口中辛辣或咳嗽吐痰幾喘面色
 或白或赤此脾氣虛而肺中伏火也用六君子
 加山梔桔梗柴胡及炒黑片苓治之愈

一婦嘈雜吞酸少食大便不結此脾氣虛寒而下
 陷用補中益氣湯加茯苓半夏炮姜漸愈又常
 服人參理中丸而安

一婦飲食後嘈雜吞酸此食鬱為痰用六君子送
 越鞠丸漸愈又用加味歸脾湯而痊後因怒而

脇脹痛中脘作酸四君子湯送左金丸漸安仍用六君子湯送越鞠丸而痊

旋覆花湯

治脾胃虛寒中脘停痰汪洋嘈雜

腸鳴多唾嘔吐不食脇肋脹痛脉沉連絃細

細辛 旋覆花 橘紅 桂心 人參

炙甘草 苦梗 白芍 半夏 赤茯苓

三分 用水加姜煎服

又心胸嘈雜茯苓補心湯最妙

茯苓補心湯 治面色黃瘁五心煩熱咳血吐

血及嘈雜潮熱等症

半夏 前胡 紫蘇 茯苓 人參

枳殼 炒 桔梗 炒 炙甘草 乾葛 各五分

川芎 川歸 白芍 陳皮 各一錢

熟地黄 錢各半 入姜枣水煎服

痲痺疝瘕

婦人痲痺因元氣虛弱而邪氣積聚蓋痲痺者在腹內近臍左右有筋脉急痛如臂如指如痲之狀痺者僻在兩脇之間有時而痛皆陰陽不和

經絡痞隔飲食停滯冷氣固結而成也

婦人臟腑調和經脈循環則月水以時故能生子

而無病若乘外邪而合陰陽則小腹胸脇腰背

皆相引而痛月事不調陰中腫脹小便淋瀝面

色黃黑則疝瘕生矣疝者痛也瘕者假也脉弦

急者生虛弱者死尺脉濇浮牢為血實氣虛腹

痛逆氣上行以為胞中有惡血久則結成瘕也

張子和曰遺溺閉瘕陰痿瘰癧精滑白淫皆男子

之疝也若血涸月事不行行後小腹有塊或時

動移前陰突出後陰痔核皆女子之疝也但女
子不謂之疝而謂之瘕

婦人積年血瘕由寒溫失節脾胃虛弱月水不通

相結盤牢久則腹脇苦痛宜用三稜煎主之

治瘕癖神効 以獾猪肝一具重十餘兩用巴

豆仁五十枚入肝內用醞醋三碗慢火熬乾研

爛量入三稜末丸作梧子大每服五丸食前熱

酒下

經行腹痛乃瘕癖瘕瘕局方積氣丸妙

蘆會丸 治疳癥肌肉消瘦發熱潮熱飲食少思

口乾作渴或肝疳食積口臭生瘡牙齦蝕爛等

症 蘆會 胡黃連 黃連 炒焦

木香 白蕪荑 炒 青皮 各五錢 當歸

茯苓 陳皮 各一兩半 炙甘草 七錢

右為末米糊丸梧子大每服七八十九米湯下

麝香丸 治疰癥冷氣心腹作痛

射香 另二錢 五靈脂 炒 阿魏 煨麪包

桃仁 三稜 醋製各二兩 芫花 醋炒 檳榔 各一兩

莪朮 醋煨 桂心 沒藥 木香 當歸 各五錢

右為末飯丸梧子大每服十丸淡醋湯下

阿魏膏 治一切瘡塊更服胡連丸

羌活 獨活 玄參 官桂 赤芍

生地 川山甲 兩頭尖 大黃

白芷 天麻 各五錢 紅花 四錢 木鱉子 去殼

亂髮 五錢 槐柳桃枝 各三錢

右用香油筋四兩煎黑去渣入髮油內煎髮化

仍去渣徐下黃丹煎軟硬得中入芒硝阿魏蘓

赤水玄珠 卷之三十五
合香油乳香沒藥各五錢射香三錢調勻成膏
攤貼患處內服丸藥丸貼膏藥先用朴硝隨
患處鋪平半指厚以紙蓋用熱熨斗熨之良久
如硝耗再加熨之二時許方貼膏藥若肝
積加盧會末同熨

乾漆散 治疝瘕脇肋疼痛

乾漆炒令烟尽 木香 芫花醋炒 赤芍 桂心

川歸未切 川芎 琥珀各五錢 大黃炒 牛膝一兩

桃仁去皮尖 射香一錢 香

右為末每服一錢温酒調下

桃仁煎 治血瘕

莢仁 大黃炒各一兩 蜚虫炒黑五錢 朴硝一兩

右為末以醇醋一鍾石器中煮三分下前三味

不住手攪煎至可丸下朴硝丸梧子大不吃晚

食五更初温酒下五丸日午下穢物如未見再

服仍以調氣血藥補之以方乃峻劑也血虛者慎之

大硝石丸 治七瘕八瘕當用以藥去之不令人

困 大黃四兩 硝石三兩 人參一兩 甘草八錢

右為末普酒一升石器中先入大黃煎膏入餘藥丸梧子大每服三十九米飲下三日一服宜下赤物

蟠葱散

治寒氣不散疝瘕脹痛脇肋痛甚神

効男子婦人脾胃虛冷氣滯不行

延胡索

肉桂

乾姜

蒼木

焙甘草

砂仁

枳柳

丁皮

三稜

煨莪術

茯苓

青皮

連根葱白一莖水二鍾煎至熟服

寶鑑蒺藜湯 治陰疝小腹作痛小便不利手足逆冷或脇腹悶痛

足逆冷或脇腹悶痛

蒺藜子去刺大附子炮

梔子仁各半西

右為末每服三錢水煎食前服

川山甲散

治癥痞瘕血心腹作痛

川山甲

鱉甲

赤芍

大黃

乾漆

桂心

川芎

羌活

歸尾

射香

右為末每服一錢酒調下

三稜煎 治血癥血瘕食積痰滯

三稜 醋浸 莪朮 製全上 青皮 去白半夏

麦芽 炒各 右用好醋一鍾煮乾焙為末醋糊

丸梧子大每服三四十九淡醋湯下痰積生薑

川湯下

脬轉小便不利

婦人脬轉或內熱傳搏於脬或恐小便氣逆於內以致小腹急痛不得小便甚者至死

薛氏曰前症不問男女孕婦轉筋小便不利命在

反掌非八味丸不能救

一婦因鬱怒小便滴瀝漸至小腹腫脹痰咳喘促

用八味丸料煎服小便即利而痊

葱白湯 治氣滯小便不通腹脹欲死

陳皮 三兩 葵子 一兩 葱白 一握 水煎分三服

八味丸 治轉脬小便不通殊有神効但世所

不用以致誤人 方見虛損

滑石散 脬轉數日不通

滑石 一兩 寒水石 二兩 葵子 一合 右研以水

一斗者至五升每服一升即通利

又方

亂髮煨

葵子

車前子

各等分酒

調下二錢

強忍小便致脬轉尿不利困篤欲死

滑石

二兩髮灰一兩

為末每服三錢桃白皮

一觔細切搗熟入水三盞絞取汁調服

千金翼用杏仁去皮尖二十枚麩皮炒黃嚼細水

送下立通

一方皂角為末吹鼻內取嚏

石菖湯

治脬轉小便不通及小便實熱氣滯

淋瀝

石菖

黃芩炒木通

葵子

榆白皮

瞿麥

甘草

各五分

加生姜水煎服

小便數

薛氏曰小便數頻若肝經火動用逍遙散加龍膽

草車前子

膀胱火動六味地黄丸加麥門冬五味子

肝腎濕熱龍膽瀉肝湯

鬱傷肝脾加味道逍遙散

加味歸脾湯 脾肺氣虛補中益氣加麥冬五味
肝經血虛加味道遙散 腎氣虛敗鹿茸
散如不應用法味丸

桑螵蛸散 治腎氣虛寒小便數少或時頻數
或夜間丸數

桑螵蛸炒三枚 鹿茸灸 牡蛎煨 炙甘草
炙黃耆 右為末每服二三錢食前空心用
姜湯調下日二服

縮泉丸 治脬氣虛寒小便頻數或遺尿不住

小兒丸效

烏藥 益智仁 各等分為末酒煮山藥糊為
丸梧子大每服七十丸鹽酒或米飲下

鹿茸散 治腎氣虛寒便溺數甚或夜間頻數

遺溺 鹿茸灸 烏賊魚骨 桑寄生

川歸 龍骨煨各二兩 白芍炒 附子炮各三錢

桑螵蛸錢灸五 右為末每服二錢空心并食

前溫酒調下作丸亦可

遺尿失禁 附小便出尿與
名交腸病也

內經曰胞移熱於膀胱則癃溺血膀胱不利為癃
 不約為遺溺註云膀胱為津液之府水注由之
 然足三焦脉實約下焦而不通則不得小便足
 三焦脉虛不約下焦則遺溺也靈樞曰足三焦
 者太陽之別也並太陽之正入絡膀胱約下焦
 實則閉癃虛則遺溺

良方曰此乃心腎之氣失其常度故有便道澀而
 遺者有失禁而不知自遺者亦有傷產傷膀胱
 不時而遺者有脬寒臟冷而不自知者

薛氏曰設肝腎虛熱廷孔痿痺用六味丸如不應
 用加減八味丸陽氣虛憊膀胱積冷用鹿茸丸
 如不應八味丸若脾氣虛弱不能禁止用補
 中益氣湯加山藥山茱萸五味若肺氣虛寒前
 湯加桂附此症屬虛熱者多真寒者少治宜審
 察
 一婦小便自遺或時不利日晡益甚以肝熱陰挺
 不能約制用六味丸料加白朮黃柏酒炒黑七
 分知母五分分數劑諸症悉愈若誤用分利之藥

愈損真陰必致不起

一老婦患前症惡寒躄倦四肢逆冷余以為陽氣

虛寒用補中益氣湯加附三劑不應遂以參附

湯四劑稍應仍以前藥而安附子計用四枚人

參三觔許

一婦病愈後小便出屎以陰陽失於傳送名大小

腸交也先用五苓散二劑而愈又用補中益氣

湯而安

鹿茸丸治陽氣虛小便白濁滑數不禁或臍

腹陰冷大便不實

鹿茸炙

椒紅

桂心

石斛

附子

炮

牡蛎煨

補骨脂炒

肉蓯蓉

雞肫皮

炙

沉香各一兩

桑螵蛸炙三錢

右為末酒糊丸梧子大每服三十九空心溫

酒下

秘元丹

治陽氣虛小便不禁或夜多小便頻

數五十

白龍骨煨三兩

訶子十枚

砂仁一兩

右為末糯米粥送梧子大空心益湯下五十九

本草綱目卷之五

酒亦可

又方 鹿角鎔屑炒為末每服三五錢空心熱

酒調下

又方 雞胗炙為末每服二三錢空心食前

酒調下日三次

又方 桑螵蛸酒炒為末每服二錢空心姜湯

調下

大宮詹少溪吳馭閱校

終



